

к 84Р6
к 64

А. КОНОНОВ

ЧАПАЕВ ЙЫЛІСЬ РАССКАЗЗЭЗ



КОМИПЕРМГИЗ 1941 КУДЫМКАР

А. КОНОНОВ

ЧАПАЕВ ЙЫЛІСЬ РАССКАЗЭЗ



ОБЯЗАТЕЛЬНЫЙ ЭКЗЕМПЛЯР

КОМИПЕРМГИЗ 1941 КУДЫМКАР



106
64

ПЫТШКОС.

Вязовкаын случай	3
Гөрд автомобиль	10
Клинцовской зоночкаез	14
Ойся байтөм	18
Бой	25
„Чапаёнок“	31
Ленинлөн приказ	39
Чапаевлөн медбөрья поход	44
Сказка	51
Испанияын	57

КУДЫМКАРСКИЙ
ЦЕНТРАЛИЗОВАННАЯ
БИБЛИОТЕЧНАЯ
СИСТЕМА

224940/8
4

Перевод В. Ф. Савельева
Редактор Э. А. Тетюева

Техредактор Ф. С. Яркова
Корректор А. И. Чугаева

Сдано в набор 13/III-41 г. Подписано к печати 10/IV-41 г. Формат
бумаги 62X94¹/₁₆. Печатных л. 3,75. Авт. л. 1,45. В 1 печ. листе 19600 тип. зн.
ЛБ14118. Заказ № 508. Тираж 2000.

г. Кудымкар. Типография Молотовского Областного
Управления издательств и полиграфии

ВЯЗОВКАЫН СЛУЧАЙ

Вязовка деревняись буса улица кузя ньөвьёсьөн гөнитисö вит всадник. Одзаныс басöк рыжой вöв вылын гөнитис военной гимнастёркаа морт.

Деревенской челядь тöдисö сийö сразу.
— Чапай... Чапай локтис!

Вылын тёсовой воротаа керку одзын всадниккез сувтчисö.

Воротаись котөрөн петыштис сизим год гөгöрся зоночка.

— Тятю,—горötис сия,—а миян ярмарка!

— Адззыли, зонок,—горötчис Чапаев да чечöвтис седло вывсис му вылö.

Сия вöли нейджит мыгöра, но топыт, веськыт. Зелёной гимнастёрка, кöда вöли ременялöма кучиковой ременезөн, пукалис сы вылын аккуратной. Веськыт боксяняс ремень бердас öшалис револьвер, а шульгаланяс—шашка, кöда богатöя вöли серötöма серебрян.

Сія вөрзьөтыштіс кинас ассис усыэсö да сөстөм лөз синнэзөн омөн видзөтіс деревенскöй площадьсö.

Площадь вылын сулалісö турунөн телегаэз. Гуляйтісö нывкаэз, басөк сера праздничнöй кофтаэзаөсь, киись киö кутчисьöмөн. Горöна ошкис ассис товарсö приезжöй кашниккерись. Гармония орсіс гажа йөктана песня.

— Но мый жö, Бубенец, пырам керкуö, —висьталіс Чапаев.

Сыбöрын бергөтчис медтом всадник дынö да тшöктіс:

— Петька, вөввесö сувтөтан оградаö.

Локтіссез коласісь нельыс пырисö керкуö, а витөтыс кутіс вөввесö поводдэзөт да пыртіс нійö оградаö.

Көр пырисö керкуö, Чапаев босьтіс пызан вывсис кашник, кисьтіс стаканö йөв да перыта юыштіс. Сэсся вештыштіс кашниксö аслас спутниккеслө.

Челядөккес жмитчисö пызан бердö да видзөтісö гөссез вылө.

Порог вылын мыччисис паськыт пельпона, кудриа тоша старик.

— Здорово, Василий! —висьталіс сія. —Сө воюйтан? Чапаев серөмтчыштіс да висьталіс:

— Воюйта!

Старик сетіс локтіссез коласісь быдыслө ки да пуксис лабич вылө.

— Ме ярмарка вылын вöлі, көр тэ деревня кузяас... лэбзин. Ме тэнö, зонок, ылісянь тöді.

— Ну, кыз таво ярмаркаыс, лөсяліс?— юалис старикыслісь öтік локтіссез коласісь, көдö шуисö Бубенецöн.

— Да кыз висьтавыны... Тöдсаэсö некинöс эг пантав. Унажыксö сё кытшöмкө йöзöсь, ылісьöсь.

Бубенец кымöртчис.

— Мыйлö ыліссезлö Вязовкаö локны? Сія бергötчис Чапаев дынö да висьталіс:

— Василий Иванович, уездас абу спокойно. Мед эзö жö локтö кортöм гөссес— чочкоммес. Весь мийö отрядыс дынісь сылына мунімö.

Чапаев спокойнöя видзис ответ.

— Неужто меным и ассим челядөккезöс оз туй адззывны? Вот гөститыштам асылөдззис, а сэтчин бöра походö.

Чапаев сибötчис öшын дынö да пондiс видзötны öтöрас. Улица кузя жагöникөн кыссисö турунөн ыджыт телегаэз. Турунөн öтік телега сувтiс воротаэз дынсянь неылын.

— Лок-ко татчö, Бубенец,—корис Чапаев.—Телегаэзас туруныс мыйкö не ме сьöртi.

Бубенец видзöтыштіс öшынас и сэк жö кутчис револьвер бердö.

Чапаев тожō кыскис револьвер да проверитис шашкасō — кокнита я сїя шедō ножнаэсис.

Отōрас турунōн телега сайсянь тыдалисō



винтовкаэзлōн дуло-
эз, видзōтыштлисō лōг,
тōдтōм чужōммез.

Чапаев горōтис челядēккезлō:

— Водō джоджō!

Сїя кватитис меду-
чōт зоноксō да ошын
дынсяняс водтōтис
ылōжык. Мōддэс, кык
пōрисьжык зоннэс, во-
дисō ськōт ордчōн.

Чапаев перыта бер-
гōтчис Бубенец дынō.

— Но, ежели этō менам юр понда лок-
тисō. . — пондōтис сїя, но кончитны эз вермы:
отōрсянь вдруг кылисō лыйсьōммез.

Бокись жырйын тиньотōмōн джоджас
кисьтсисō стеклоэз.

— А Петькаыс кытōн? — горōтис Чапаев.

Но Петькаыс да кык мōдик боец готов
кыскōм наганнэзōн сулалисō ни керку по-
рог дынын.

— Василий Иванович, — перыта горōт-
чис Петька, — седлоэсō ме вōввес вылїсь
эг босьтав. Миянлō только бы вōввез ды-
нōдз шедны.

— Шедам!

Петр Исаев, көдө быдөнныс дружескөя шуисө Петькаөн, вөлі кыкдас кык год гөгөрся зонкаөн. Сія вөлі Чапаев дынын порученнээз понда, быдлаын ветліс ськөт өтлаын и адззыліс неетша сраженнээз.

Өтөрсянь бөра кыліс лыйсьөм, сыбөрын минута дырна вөлі лөнь и кинлөнкө геж-гөтана голос горөтіс:

— Пее-т! Пее-т, Чапай!..

Өні локтіссез коласісь витнанныс, Чапаев да Бубенец руководство увтын, сулалісө киззаныс револьверрезөн осьта өшыннээз да ыбөс одзын.

Кыз только воротаө мыччисис кинлөнкө рыжөй уся юр, керку өшыннээсянь лэбзыштисө пуляэз. Юр өшис.

— Оградаө!—Чапаев сетіс команда.

Чапаевецез котөрөн петисө оградаө, водисө керку бердө да пондисө лыйсьыны.

Чапаевлөн айыс вөлөма оградаас жө.

— Сувт ворота дынө,—висьталіс сылө Василий Иванович:—көр пондас ковны, команда сьөрті нійө осьтан.

Уськөтчиссез өні эзө сибөтчө ворота дынө матына. Нія горөтлісө ылісянь:

— Пее-т! Пее-т чожжык!..

Сыбөрын нія чукөртчисө турунөн телегаэз дынө да пондисө обсуждайтны, кыз бы

керкусö өтмөдөрсянь öзтыны да вашöтны сэтчинись чапаевецесö.

Эта кадö Чапаевыс, көстисьöмөн, котөртис аслас вөв дынö да чеччөвтис седлоö. Сы бөрсянь уськөтчисö вөввез дынö и мөдикес.



— Осьт ворота-сö!—негорөн сетис команда Чапаев да кыс-кыштіс ножнаэзис шашкасö; шульга киас сія видзис револьвер.

Воротаыс осьтсис. Вөввез вылын вит мортыс төвчикөн петисö ворота сайö да уськөтчисö враггез вылө. Мөддэс сэтшөм уськөтчөмсö эзö видзчисьö.

Пондөтчис лыйсьөм, воздухын югйөвтисö шашкаэз, горөтлісö да ойзисö ранитөммез.

Чочкоммез петитчисö бөрлань, пондылісö дзевсисьны турунөн телегаэз сайö.

Эта кадö Чапаев дынö локтыштіс чочком вөв вылын офицер. Сія лэбтіс ни Чапаев юр вевдөрö ассис шашкасö, но Чапаев кужөмөн бергөтчис офицерскөй шашка увтісь, сувтөтис вөвсö бөрись коккез вылас да лыйис револьверись.



Офицер пöрис бок вылас, мöдiс вöли кутчисьны вöлыс бурси бердö, но видзсьыны эз вермы и усис седло вывсис му вылö.

Петька увтись вöвсö вийисö. Вöлыс сьöкыта пöрис и нырыштис сылись коксö.

Чапаев казялис этö.

Сия чеччöвтис вöв вылись, котöртис Петька дынö да отсалис сылö мездöтны коксö. Сыбöрын котöртис Бубенец дынö, медбы сетны сылö отсöt. И вöли кад: Бубенецсö омөн гөгöртисö врагез. Сия лыйлис ни быдöс пуляэсö и öни пес-



сис только өтік шашкаөн. Вөснитик шорокөн котөртис сы кымөс кузя вир.

Чапаев кералис веськытлань и шульгалань, а Петька, Чапаев бөрын мунтөн, лыйлис чөчкоммесө наганись.

Враггез сэсся видзсьыны эзө вермө и пышшисө.

Вит всадник дыр вөтчисө ны сьөрө, а сыбөрын бертисө бөр. Петька медодз котөртис телегаэз дынас и суйыштити турунас ассис шашкасө. Шашкаыс инмис мыйкө чорыт вылө да небурика тачнитис. Боеццес розьнитисө турунсө и адззисө сы увтись пулемёт.

ГӨРД АВТОМОБИЛЬ

Степной туй кузя перыта мунис гөрд автомобиль.

Машинаын пукалисө кыкөн: шофер да Чапаев.

Чапаев, машина борт сайө мышкыртчөмөн, лэчыта видзөтис омөн. А сы бөрын, дулонас бөрлань, сулалис пулемёт.

Омөн куйлис волькыт, шондисянь сотчөм степь. Ылын одзас тыдалис колокольня.

Шоферыс машинасө өддзөтис буражык.

— Но, — висьталис Чапаев, — чожа пондамө юны чай.

Шофер лэбтис юрсө.

— Чаёксö юыштны вöли бы öни неумöль, ёрт Чапаев!—гажöна висьталіс шофер.

Чожа мыччисисö крестьянскöй керкуэз.

Эшö минута—и машина пöльтыштіс му-
ніс деревенскöй ули-
ца кузя.

Кольччисö бөрö
зелёной карчйөррез,
пöліньтчöм плетенез,
кинлөнкö посöдз ды-
нын веж подсолнух-
хез... Лэбзьöм автомо-
биль бöрын тшакыл-
лезön кайис деревен-
скöй бус.

Площадь вылын,
неылö вичку дынсянь, шофер сувтöтис ма-
шинасö.

Чапаев сувтіс.

— Видзöt, челядөккесö менам пушка
дынö эн лэдз,—мыччаліс сія пулемёт вылö.


Улицаас мыччисис кытшöмкö женскöй.
Чапаев горötіс сылö:

— Кытön тiян сэтön сельсоветыс?

Женскöйыс повзьöмön макнитіс киэз-
нас да сайöвтчис.

Чапаев видзöтыштіс омön и вежöртіс,
что деловыс эстön абу бур. Вичку дынын
сулаліс да видзötіс автомобиль вылас по-





гоннеза морт. Сыын несъөкыт вöлі тöдны офицерöс. Машина вылісь синнэсö лэдзлытöг, сія пöрччаліс йи бердын öшалан кобура да кыскис наган.

Переулоксянь мыччисисö куим солдат. — Но, ёрт, бергötлы, — негорөн висьталіс Чапаев, — заводит моторсö: деревняс чочкоммез.

Шофер перыта пондіс заводитны сайкавтöм на моторсö, а Чапаев уськötчис пулемёт дынö. Сія сэк жö бергötіс пулемётлісь дулосö вичкулань да метитчис.

Шофер мышкыртчис кыз туйö лажмытжыка му бердö и быд вынісь бергötліс моторлісь ручкасö.

— Он кө ешты заводитны—мийö ше-
дамö,—висьталіс Чапаев.

Эта кадö вичку дынын, кытөн сулаліс
офицерыс, кыліс револьверной лыйöм. Пу-
ляыс дзинöтыштіс шоферыс пель бокöt.
Но сія моторсö заводитіс ни да шупыта
чеччöвтіс автомобильö.

Машинасö вынөн эд летöвтіс—шофер-
ыс сразу жö босьтіс медыджыт скорость.

Öні быдладорсянь котöртісö ны дынö
чочкоммез. Но чожа сувтісö: машинаыс
круто бергötчис, Чапаев осьтіс пулемётіс
луйсьöм.

Пуляэс водісö улица пасьта джынкруг-
гөн. Деревня концецын мыччисісö ни вöла
белогвардеецес, көднія быд вынісь вötчисö
гöрд автомобиль сьöрö.

Машинасö неволькытіннэзын ёна зэгö-
тіс. Чапаев дугдывтöг лыйліс враггез кузя.

Бöра жö кольччисö бокö зелёной карч-
йöррез, важ плетенез... Степыс лолыштіс
ни чужöмö көс да курыт полынь дукөн...
А бöрсяняныс лэбзисö чочком кавалерист-
тэз.

Шофер мышкыртіс юрсö топ машина
руль бердöдз и поліс бергötчышты. Быд ми-
нутаö сія видзчисіс, что вот-вот пуляыс
пырötас шинасö—и сэк конец. А бöрас
дугдылöмөн да часто стукötіс лыйліс Ча-
паевлөн пулемёт, көдасянь дрöжитіс быд-

сөн машиналөн кузовыс. И вдруг пулемётыс лөнис.

Шофер кыліс Чапаевлісь сибдёмкодь голос:

— Патроннэс бырсисö.

Автомобильыс вöлі ни волькыт степь шöрын. Чочком кавалеристтэз кольччисö бөрö. Чожа ния и асьныс вежöртисö, что не вöтны нылö вына машинасö, и бергöтчисö бөр—öктыны вийöммесö да ранитöммесö.

Чапаев вдруг серöмтчис:

— Вот так юыштим чаёк!

Шофер этійö эз кыв: скорöстыс вöлі бешенöй, тöлыс шутняліс пеллезын и Чапаевлөн кыввез эзö кылö.

А көр машинаыс пондіс мунны жагөнжыка, шофер кыліс:

По морям, по волнам,
Нынче—здесь, завтра—там...
По-о морям...

Шофер дзарнитіс бöрас. Чапаев, ки долоньсö пулемёт дзырыт дуло вылö пуктöмөн, сыліс да думайтöмөн чикраліс ассис лöz синнэсö.

КЛИНЦОВСКОЙ ЗОНОЧКАЭЗ

Öтпыр Чапаев муніс разведкаö.

Сія да нель боец мунісö верзьöмөн. А бöрсяняныс, тачанка вылын пулемётөн, пу-

калісö Петька Исаев да Чапаевлөн кыкьямыс годся зон, Аркадий.

Локтіс рыт. Чапаевецез казялісö нейджит вöрок да ордчөн сукöt юок. Ылын юок сайын тыдаліс деревня Клинцовка.

Юок дынын вöлісö куимдас гөгөр вöv. Нійö караулитісö деревенскöй зоночкаэз. Медбы челядьсö не повзьötны, Чапаевыс одзас иньдіс ассис зонсö, Аркадийсö.

— Тэ кин?—юалисö Аркадийлісь зоночкаэз.

— Чапаев,—видзис ответсö мöдыс.

Зоночкаэз серöмтчисö:

— Ну да! Чапаевыс, поди, ыджит вöv вылын, и шашкаыс сылөн серебрянöй.

Эта кадö Чапаев ылісянь горötіс:

— Челядь! Тійö клинцовскöйöсь?

— Клинцовскöйöсь,—висьталісö нія и пондісö невнаөн локны матöжык.

— Мый тійö эстөн кератö?

— А мийö вövвез караулитам, медбы нійö казаккез эзö вашötö.

— Сідзкö, деревняс чочкоммез?

— Мыйнö, казаккез.

— Уна нія сэтчин?

— Уна.

Чапаевецез чеччисö вövвез вылісь да пондісö совещайтчыны. Пуэз дынсянь вуджөррез лоисö сё кузьжыкöсь и кузьжыкöсь, шондіыс пондіс сайöвтчыны пу йыввез сайö.

Зоночкаэз кералисö көстер понда көс уввез, но кызд только казялисö пулемёт— көстер йылись вунотисö. Ния матöжык и матöжык сибötчисö тачанка дынö.



— А тийö смелöйöсь?— юалис нылись Чапаев.

— Конечно смелöйöсь,— висьталис медыджыт зоночка; вöли сылö даснель год гögör.

— Чочкоммесö деревнясис охота вашötны?

— Охота.

— Но, сэк кывзö менö,— висьталис Василий Иванович.

Чапаев тшöктис зоночкаэзлö керавны бадёвöй бедёккез да качсö ны вылись кульны. Бедёккез лоисö чочкомöсь, кызд сахар.

Чапаев висьталис:

— Көр лоас дзирс пемыт, пуксьö вöввез вылö да гөнитö Клинцовкаланьö. Да бедёккезнас, кызд сабляэзөн, вылынжыка макайтö. А көр кылат лыйсьöммес, котöртö горттэзö. Вежöртит?

— Вежöртим,— висьталисö клинцовскöй зоночкаэз.

Кытчөдз лөсйисö бадёвöй бедёккес, мёрятисö нийö—лөсялöны я сабляэз понда, кытчөдз пуксисö вöввез вылö да сувтисö ряддэзö, сибöтчис ой.

Зоночкаэз гөнитисö вöввезөн деревняланьö.

А Чапаев аслас; бо-ецеэзөн локтис Кли-цовка дынас мөд ладорсянас.

Ся лыйис пемы-тинас револьверис и чапкис вивланьö ра-кета.

Ракетаыс пишкө-мөн кайис воздухас вылына да кисьтсис лөз бичиррезөн.


Онзиль увья казаккес котöртисö öтөрö и ракета югыт дырни казялисö—локтöны ны дынö лэбтöм чочком сабляэзөн вöла морттэз.

Сыбöрын ракетаыс кусис и пемытинын всадниккес сайöвтчисö.

А эта кадö деревня мөд конецсянь пондис сярöтны пулемёт, гымыштисö револьвернöй лыйöммез.

Одва казаккес ештисö кватитны оружие, кыз ны вылö уськөтчисö Чапаев руководство увтын вöла морттэз.





Казаккес өшисө. Өні ния адззисө, что гөррдэз уськөтчисө ны вылө быд ладорсянь.

Казаккес чапкалисө оружиенысө да пондисө дзевсисьны оградаэзö, картаэзö, керкуэзö.

Чапаев аслас вит боецөн пондис ветлөтны керкуэзöt да кутавны пленнөйсө.

А эта кадö бадёвöй бедёккезнаныс клинцовскöй зоночкаэз пукалисө ни асланыс керкуэзын. Кызд тшöктис Чапаев, ния первуйсь лыйöм дырни уськөтчисө котöртны öтмөдөрö.

ОЙСЯ БАИТÖМ

Чапаевлөн отрядыс лунись лунö содис. Отрядын вöли кынымкö тысяча боец ни—быдса дивизия.

И Чапаев лоис дивизия начальникөн.

А комиссарон сы дыно иньдисо Дмитрий Фурмановос.

Отпыр ойнас мунис Фурманов провэрайтны красноармейской посттэз. Деревня шорын сия казялис костер да локтис матожык.

Костер гогорын пукалис красноармеецез, пизьотисо ведраын ва да джынголосон баитисо.

— Акин сия?.. Кытшоммезись сия, Чапаевыс?..

— Сэтшоммезись жо, кызд мийо тэкот. Плотник сия. Война вотодз черон да пилаон быдос Саратовской губерниясо да быдос Уральской областисо кытшовтом. Сыло эстон быд деревняыс тодса. Картатог быдос туеккесо да ыджыт туйесо самой Уралодз тодо. А ачыс Чапаевыс крестьянин, бедняцкой родись, Балашовской уездись, Саратовской губернияыс. Учот годдэзсянь уджавны мунома. Даскык год гогорсяон сетомась сийо купец дыно—весаэз вылын товар ошлыны. И пондома сийо купецыс велотны, кызд морттэсо боботлыны. А Чапаев оз боботлы. Эта понда Чапаевсо купецыс и вашотома.

— Вашотом?



— Вашөтöма аслас лавкаись. А Чапаев—ачыт тöдан, кытшöм сiя,—неужто терпитас?! Чапаевыс и сэк правда понда сулалöма. Купецыс богатöй, а Чапаев абу повзöма. „Жулик тэ!“ шуöма...

— О?!

— Купецыс сэтөн лөгасьöмсяняс чуть абу кулöм. Эз сiя велав веськыта баитны. „Ме, — шуö, — тöдан, мый тэкöt закон сьöрти кера?“ А буржуйлөн кытшöм закон? „Охота—гробö водтöта“, вот кытшöм

сылөн законыс. „Ме тэнö,—горötлö Чапаевлö купец,—не только аслам керкуись, ме тэнö посадсис быдсөн вашöта!“ Василий Иванович видзöтыштіс сы вылö да и ответ видзö: „А му вывсис быдсөн менö вашötны некыдз он вермы! И то бур. А ме тэнö, видзöt-ко, вашöта, только кад сет!“ Адззан, значит, көрсянь Чапайыс буржуйыскöt пессьöмсö нуötö...

Минута кежö баитöмыс лөнис.

Фурманов пуксис би дынö, судзötіс көстерись биа шомок, öзтіс сiйөн ассис трубкасö да пондіс куритны.

Öтiк красноармеец негорөн висьталiс:
— Висьтась, Еремеев, часыэс йылись.

Паськыт пельпона, съод папахаа боец
кытсöвтчис:

— Да ме эд висьтавлi ни...

— А тэ эшö öтпырись висьтась. Вон
ёртыс, — красноармеец качыкнитiс юрнас
Фурманов вылö, — натьтö, эшö эз кывлы.

Еремеев невна норовитыштiс да пондö-
тис:

— Вöли эта сэк, көр мийö Сломихин-
скöй станицаись чочкoм казаккезöс вашö-
тимö. Эгö ештö эшö и станицаöдз локны—
менö ранитiсö юрам. Дас минута дырна ме,
тыдалö, куйли садьтöг. Но, а сыбöрын ке-
рисö меным перевязка, босьти ме винтовка,
бöра понди одзлань мунны. Муна, а ачым
пöрлася. Видзöта нёбоö—шондыс меным
сьöдөн кажитчö.

— Етштöмсялин, сiдз ту?

— Етштöмсяли. И не зубытсьянь, а уна-
жыксö, что вирöс уна öшти. Да. Муна, шат-
лася. Винтовка бердö нырышся. Дыр я му-
ни, ог и тöд.

Видзöта—ме одзын Чапаев сулалö. „Тэ
кытчö?—юалö.—Тэныт госпитальö колö,
шоччисьыштны, ранасö веськötны“. Видзö-
ти ме Василий Ивановичыс вылö, и меным
кыз бытьтö гажажык лоис. Баита ме сы-
лö гора голосөн: „Не, —баита,—ёрт Чапаев,

шоччисьны меным абу эшö кад“. Видзö-
тыштис сiя ме вылö, шы оз сет. Сыбöрын
босьтö аслас киись часысö и сетö меным:
„Новый! Эн вунöt Чапаевсö“. Ме шай-пай
лои. Ог босьт часыэсö. „Мый тэ, Василий
Иванович! Тэныт аслыт часыэс öддьöнжык
колöны...“ А сiякыз лөгасяс: „Босьт, шуа,
заслужитин наградасö! А Чапаев ассис кыв-
сö некöр эз вежлы!“

— А одзлань?—юалис Фурманов.

— Мый жö одзлань... Босьти ме часыэ-
сö, мунi бойö.

Баыс ведраас пондiс пизьны. Еремеев
кыкис кöстерсис сотöм нянь коркаок да
чапкис сийö ведраас—заваритис чай.

— А важын ни тэ Чапаевсö тöдан?—бö-
ра юалис Еремеевлись Фурманов.

— Важын ни. Да омөн тэ му пасьта
мун—натьтö, быдлаын сийö тöдöны. Чапай
йылись славаыс паськыта мунö.

Красноармеецез коласись öтик пондiс
вөрöтчыны кöстер дынын да висьталис:

— Мукöд кадö чудно меным даже лöö:
сэтшöм жö вот простöй морт, кыз мийö
тэкöt, а видзöt, кытчöдз лэбтисис.

— Простöйыс сiя простöй, а всё ж та-
ки особеннöй. Ме аслам званнё сьöрти
плотник. И Чапаев плотник. А петö: сэ-
тшöммес, кыз мийö тэкöt, уна, а Чапае-
выс—öтик.

Еремеев баитны дугдіс.

Фурманов куритіс да думайтіс Чапаев йылісь, сы йылісь, кызд сійö любитöны да уважайтöны боецес. Да и не только боецес, а и крестьяна, быдöс населеннёыс. Баитыштас крестьяниныс Василий Ивановичкöt и сразу казялас, пондас веритны: ёна Чапаевыс вартлас белогвардеецесö! Пондас Чапаев баитны—шы оз ло. Кызд бытьтö обыкновенной, простой кыввез баитö, а кывзöны сійö сідз, что полöны горөн лолавны. А көр Чапаев речсö кончитас—бытьтö буря локтыштас: шум, горöтлём, приветствиез...

Любитö народ ассис геройсö.

Том красноармеец орötіс Фурмановлісь думаэсö.

— Ёна ме төн Чапаевыс вылö дивуйтчи, кызд сия петіс кругас йöктыны. Лөсьötіс ас вылас йисö, кутыштіс шашкасö, да кызд öддзис! Только шпораэс горалöны да папахаыс бöрас лэдзчисьö...

— Сы понда сійö и боецес любитöны,—висьталіс Еремеев.—Талун сия öтик котелокись тэкöt панялас, гармошка увтö öтлаын йөктас, а ашынас бойö нуötас—гроза-командир. И сэтөн сылö паныт кыв он ни висьтав. Да и мый баитны! Мунан сыкöt—он пов. Тöдан, что Чапаевыслөн быдöс думайтöма, быдöс лыддьöма да карта

вылын меряйтöма. Бойын ошибкаэз сьлөн озö овлö.

Пондöтчис югдыны.

Фурманов чеччис кöстер дынись. Ся жалейтис, что оз вермы конецöдз кывзыштны красноармеецезлись баснисö. Ся решитис, что боецес сийö сидз эз и тöдö.

Но кыз только сия мунис, Еремеев висьталис:

— Виль комиссар. Фамиллёйс—Фурман. Василий Ивановичыс сийö признайтис, да не сразу. Локтис сия: „Вот менам бумагаэз“. А Чапаев сьлö: „Ме командирсö да комиссарсö бойын признавайта. Бумагаэз бумагаэзöн, а тэ асьтö пуляэз увтын мыччав“. Но, а öни Василий Иванович комиссарсö признайтис. Öни ния друггез-ёрттэз.

Красноармеецез баитны дугдисö да ондисö кывзисьны.

— Сьылö...—гусьöник висьталис томыник красноармеец.—Ох, и любитö песнясö!

И былись, керкуын нюжötисö песня.

Этö вöли любимöй чапаевскöй: „Пукала тюрьмаын, решетка кругом“.

Пондöтлис песнясö Василий Иванович ачыс.

Командиррез и красноармеецез дружнöя сьлö отсалисö: этö песнясö дивизияс тöдисö быдöнныс.

Но сьылисö недыр.

Чапаев югдан дорас муніс օтлаын ко-
мандиррезкօт передовօй позицияэз. вылօ:
видзчисисօ ыджыт бой.

Чапаев сибօтчис аслас вօв дынօ да кок-
нита чеччօвтис седлоօ.

Степсянь пօльтыштис вольнօй тօв, ва-
йօтис цветтэзлись чօскыт дук да ытшкօм
турунлись дук.

Шондi лэбтисис лысваа, ойօн сайкалօм
му вевдօрօ.

БОЙ

Одзаным тыдаліс станица.

Сійօ займитисօ уральскօй чочком ка-
заккез. Станица дынсяняс шульгаланьօ, ке-
рօсоккез вылын, сулалісօ вылын тօлօн
уджалан мельницаэз.

Чапаевецез нуօтисօ наступленнёсօ ку-
имнан ладорсянь: кык полк станицасօ кы-
тшօвтисօ боккезсяняс, а шօрօттяс, медо-
паснօй местаын, муніс иваново-вознесен-
скօй рабочօйезлօн полк.

Чочкоммез пондօтисօ пулемётнօй лый-
лօмсօ одзжык, нежели позис видзчисьны.
Но пуляэз лэбзисօ не станицаись. Против-
никлօн пулемёттэс сярօтисօ тօлօн уджалан
мельницаэз вывсянь, кօднiя сулалісօ бо-
кын, керօсоккез вылын.

Чапаев сувтис стременаэз вылօ и зорօ-
на видзօтис бинокльօ. Рыжօй вօв сы ув-

тын пессис, сiя эз мөд сулавны өтiк мес-
таын. Чапаев сiйö бергөтiс да гөнитiс сы-
ланьö, кытөн сулалiсö мян сьöкыт орудие-



эз. Гөнитiкö сiя макнитiс кинас батареяись
командирлö, и мöдыс котöртiс Чапаев дынö
кывзыны приказ.

— Лыйны тöлөн уджалан мельницаэз
кузя!—горöтiс Чапаев.

Командир котөрөн уськötчис аслас ба-
тарея дынö. Öнi орудиеэз гымötiсö кык-
нан ладорсянь. Кажитчис, быдсөн нёбоыс
готов вöли потласьны.

А Чапаев чеччалiс ыб мөд концекас ни.
Кыз борддэз, павьялiс тöv вылын сьлөн
сьöд бурка.

Иваново-вознесенской кылісö бöрсинис сыліс гóлос:

— Пулемёттэз порядокын? патроннэз тырмöны?..

И боеццез, көр чувствуйтисö, что Василий Иванович матын, видзöтисö гажажыка, пессисö не кольччыны, лоны молодеццезöн, вачкисьны Чапаев вылö.

Бойис öддзис.

Ылын сотчис төлөн уджалан мельница. Сийö öзтисö миян артиллериялөн снаряддэз. Керöсоккез вывсянь, бойис шум пырйöt кыліс гора тачötöm: этö потласисö биын пулемётной патроннэз.

То эстөн, то сэтчин пельчанötана гымötömөн быдмывліс сьод-рыжöй биа столб. Санитаррез öктисö медодзза ранитöм-мезös.

Вдруг боеццес кынмисö местаанис: неприятельской снаряд потіс самöй сия местаын, кытөн вöлі Чапаев.

Быдөннис адззылісö, кыз ордчис сылөн золотисто-рыжöй вöлыс да öшис син одзись öтлаын всадниккöt.



Но рознитчис съод тшыныс и боецез адззёны—цепь кузя доль гөнитё Василий Иванович. Снаряд торрез зэрён лэбзисё сы гөгөр, а сійё асьсё эзё павкётё.



Станица ладорсянь кылісё горётлёммес, вёв кокшыэз: этё уськётчис атакаё чочком-мезлөн конница.

Красной пулемётчиккез ляпкётчисё пулемёттэз бердё да видзчисисё. Сетисё команда:

— Би!

Воздухсё поткётис залп. И сэк жё пондिसё сярётны пулемёттэз.

Вот отік белогвардеец усис, вот мөдік, ордчис бөрись коккез вылө ранитөм вёв и пөрис гатш. Мөдік вёв, кыз бөбөв, гөняйтис ыб кузя пуляэз увтын и кыскаліс сьорас казакөс: тыдалё, көр казакыс пондис усьны, эз ешты кыскыны стремянасис коксё.

— Би!!

. Вились залп. И пулемётлөн көс сярётөм.

— Би!!!

Керөсок вевдөрын лэбтисис ыджыт гөрд бикыв: миян орудиеөн вөлі жугдёма да өзйис мөдік мельница.

Чапаевецез сетісö эшö кык залп. Казаккез видзсыны эзö вермö—сьöрсьөн-бöрсьөн пондiсö бергöтлыны вöввесö бөр, станицалань.



Эта кадö кыліс сьöкыт шум: станица-ыс шульга ладорсянь мыччисисö кык неприятельскöй броневик. Нiя вöлісö иньдö-мöсь сы понда, медбы орöтны красноармейскöй цепpez и лыйлыны пышшиссезöс.

Но шогмис сiя, мый чочкоммез некыдз эзö видзчисьö.

Кöть броневиккез вöлісö матын ни, иваново-вознесенскöй рабочöйезлөн цепыс эз дрöгнит.

Сiя только невна паськötчыштiс и лэдзис нiйö.

Көр броневиккез коласісь өтік вөлі совсем ордчөн, красноармеец Иван Крутов сувтіс да броневик колесоэз увтө чапкис граната. Кыліс тачнитөм, броневикыс кызкө чукыльөн бергөтчис да сибдіс месаас.

Боецез винтовкаэзнысө одзаныс мыччөмөн уськөтчисө одзлань.

Сотчисө куимнан мельницаыс ни. Төлыс буражыка пөльтіс бикывсө. Мельницаэз ладорсянь пулемёттэзлөн шыыс лөнис.

Станицаысь вились петіс противниклөн конница. Өні, матісянь, сія кажитчис страшнөйөн.

Но сэтөн гөрддэс цепь кузя кылісө радуйтчана горөтлөммез:

— Чапай! Чапай!..

Лэчыта төчитөм шашкаөн веськыт кисө бөкө керөмөн сія быдсөн көстісьөма одзлань да кыз бытьтө мөдіс одзавны ассис вөвсө, көдія и сідз ни лэбзис ылын эскадрон одзас.

Чапаевөс төдісө не только миян боецез. Сійө төдісө и чочкоммез. И вот чочком казаккез сьөрсьөн-бөрсьөн пондісө асиныс вөввезнысө бергөтлыны бөр.

Весь макайтис сабляөн офицер. Весь сія пессис бергөтны ассис всадниккесө.

Эшө минута и иваново-вознесенскөйез пырисө станицаас.

Главной станичной улицаянь ылö тыдалис степной простор. И казялисö геройезбоецез, кыз ылын станица саяс, буссö лэбтöмөн, гөнитöны всадниккез: этö пышшисö кольччöм белогвардеецез.

„ЧАПАЁНОК“

Чапаевлөн отряд шоччисис ыджыт посадын.


Керкуыскөт ордчөн, кытчö сувтис Василий Иванович, вöли Лагутиннэзлөн керку. Лагутиннэз семьяын медучötөн вöли Гриша. Сылö мунис витöt год.

Отпырись, гусьөн сойыс дынсянь, Гриша иньдötчис Чапаев дынö. Сойыс сылö кажитчис ыджытөн—сылö мунис даскуимöt год ни, войнаөн сия эз орс да и вообще вöли нывкаокөн, ськöt баитны нельки вöли гажтöм.

Гриша пырис оградаö да жагөнникөн пондис мунны одзлань.

Омөн вöли уна интересной. Гиддэз дынын сулалисö кык седлоалöм вöv, кöднися öвтисö юррезнаныс, тиньötисö сермötтэзөн. Седлоэз ны вылын вöлисö веж кучикись, стременаэс öшалисö вылына, кыз овлö казаккезлөн.

Бусын ветлötис петух. Сия гордöя кöстис голясö да веж свиттялана синөн видзötис Гриша ылö.



Самой ограда кончас, сарай гогорас, бидмисо лопуххез. Гришало охота воли кравны нийо бадёвой шатьон сидз, медбы ния порисо му выло, кызд Чапаев сабля увтын чочкоммез.

Но неылын лопуххез дынсянь паськыт кер вылын пукалис Петр Исаев. Йорнос воротыс сылон воли порччалом, сы морос вылын ошалис стальной съодотом цепочка да кончайтчис ыджыт кольцоон. Кольцоыс воли лосьотома наган ороп бердо, а ачыс наганыс сюйыштома паськыт кучиковой ремень сайо.

Особенноя сы вылын пукалис и папахыс, кодия воли вештома юрбор вылас сы

ылына, что кажитчис' вот-вот усяс. Папахабердö косöя вöли вурöма гöрд лента.

Петр Исаев дыша тапöтыштліс каблукöн, тринöтис шпораöн и видзöтис Лагутин Гриша вылö.

— А тэныт кытчö, гражданин?!—строгöя горöтис сiя.

Гриша сувтис.

— Кытöн вöлін?—гусьöнжык ни юалиссылісь Петька, бытшöмжыка пуксис кер вылас да пуктис пидзöс вылас сьöд пуртöса кузь шашкасö.

Гриша повзбыштис, но не öддьöн. Сiя немöн эз вöв виноват. Топ асывсянь асьсö видзис öддьöн смирнöя. А веж сина петух вылö нельки эз и макнит.

Недырик чöлыштöм бöрын да чуньсö сöскöм бöрын Гриша решитис висьтаваны:

— Настя тёткаöкöt ветлі ю вылö.

— А мыйлö?

— Паськöм гывьявны.

— А мыйлö?

Гришаыс видзöтыштис сы вылö косöйöн. Петр Исаевсö сiя тöдис недель дырна ни, но вежöртны сiйö эз вермы: то сералö, то быдкодь вопрссэзöн пытайтö, а то и сахар сетас.

Öнi Петькаыс лöга лэдзис ассис шочыник, шондi вылын сотчöм синкыммес



Гришалон и полөмыс петіс, и мунны вөлі не охота мужик дынись, көдалон бокас өшаліс оружие.

— Мыйлө?—мөдпөв юаліс Исаев.

— Мед сөстөм вөлі,—ответитіс Гриша.

— А кыз тэнө шуоны?

— Да, поди, төдан жө: Гришкаон.

— А мыйлө Гришкаон?

Гришаыс пондіс лөгасыны ни, кызд вдруг Петькаыс чеччөвтис кер вывсис:

— Бур здоровье, Василий Иванович!

Гриша дзарнитіс: ворота дынсянь керку дынө муніс Чапаев.

Сія гажөна вачкалыштліс шатьон буса сапоггез кузя.

— Эй, орёл, мый дузгыльтчин?—юаліс сія Гришалісь.

Мөдыс мышкыртис юрсө да нем эз висьтав.

Чапаев сулаліс сы одзын, аккуратнөй да басөк, кызд пыр. Сылісь пельпоннэсө жмитісө коричневөй ременнез, пуовөй сьөкыт кобураын өшаліс револьвер, сапоггез вөлісө басөка кутөмөсь пидзөссэз дынас ременөккөзөн.

— А сабляыт тэнат кытөн?—юаліс недыр мыйісь Гриша.

— Гортө коли. Локтан гөститны—мыччала.

— А көр?

— Гөститнытө? Да көть өні жө. Ме тэнө сабля вылас верзьөмөн пуксьөта: сэтөн тэныт и вөв, сэтөн тэныт и оружие.

Чапаев кутіс Гришасө кипөлөттяс да нуөтіс керку дынө.

Часовйыс, көда сулаліс посөдз дынас, шыннялөмөн нійө лэдзис.

Но только ния ештісө мунны, кыз ог-радаөт керку дынас лэбзьөмөн котөртіс Гришаыслөн сойыс, Лидаыс.

— Локтіс Чапаевыс?—атшалөмөн юаліс сія часовйыслісь да мөдіс вөлі кайны посөдзас.

Часовй йөрйис ыбөссө винтовкаөн.

— А мыйлө тэныт өрт Чапаевыс?

— Ме мөда сы отрядө пырны.

Часовй горөн серөмтчис.

— Отрядө? Норовытшт, нылок, сизим год гөгөр. Быдмышт. А сэк и отрядө.

— Да, быдмышт! Кытчөдз быдман, и войнаыс кончитчас.

— Оз кончитчы. Мийө тэтөг справитчыны ог вермө.

Нылочкаыс вдруг шупыта мышкыртчыштіс да винтовка дуло увтөт чеччөвтис ыбөс дынө.

— Сулав!—горөтіс часовй.

— Лэдз! Ме отрядын мөда лоны!

Посөдзө петіс Чапаев.

— Кытшөм шум?

— Да вот, Василий Иванович, нылочкаыс чапаевкаөн өддьөн охотитө лоны. А ме шуа: учөт эшө, быдмышт невна.

— Тэ кинлөн? — юалис нылочкалысь Чапаев. — Кыдз тэнө шуоны?

— Лидкаөн. Фамиллө сьөрти Лагутина.

Василий Иванович төдіс Лагутин семьялысь историясө. Павел Лагутин пессис чочкоммезкөт паныт Уральскын. Челядыс сылөн олісө Настя тётка ордын. Тёткаыс вөлі не өддьөн рад, что сылө ковсис вердны кык челядөкөс: сія кадө фронт дынсянь матісь деревняезын няньыс эз тырмыв.

— А, өні ме тэнө төді. Павел Лагутиныс—этө тэнат ай? — юалис Василий Иванович.

— Мыйнө.

— Но, пыр, Лида. Тэнат вон Григорий Павлович ме ордын гөститө.

Лида пырис горницаө и сразу лоис лөг.

— Гринька, мун өні жө гортө! — горөтіс сія воныслө.

Гриша сулаліс скамейка бокын, кода вылын куйліс Чапаевлөн шашкаыс. Сія какраз мөдіс чунөкнас павкөтны шашкалысь серебрянөй рукояткасө.

— Кыдз жө, мун!.. — горөтчис сія кыз голосөн. — Умнөй кытшөм! Ачыт мун!

Василий Иванович волькөтыштіс усыэсө, ветлөтыштіс жыр кузяас, думайтыштіс.



— Но ладно, Лида,—висьталіс сія сы-
бёрын.—Учётöv тэ, учётöv, да, тыдалö, шу-
пытöv. Отрядын думайтамö тэныт кытшöм-
кö дело.

Сідз и кольччис отрядас Лида Лагутина.
Боеццез чожа сійö пондисö радейтны и
шуйсö „чапаёнокön“.

Öтпырись сійö лэдзисö нельки мунны
ойся секретö.

И сэтчин ойнас, самöй асыв дорас ни,
көр мортсö буражыка нырыштö он, Лида-
ыс казяліс кытшöмкö вуджөррез, көднйя
тыдалісö ылын одзас. Сія гусьöникön кыс-
сис бөрлань, аслас батальон дынö да сай-
мötіс красноармееццезöс. Мөддэс шупыта

чеччөвтисö, босьтисö оружие да панталисö врагсö винтовкаэзись дружной бион.

Сидз чочкоммезлö эз и лöсяв уськөтчыны чапаевецез вылö казьявтöг.

Эта бöрсянь боецез эшö öддьонжык пондисö любитны „чапаёнок“ Лидаöс.

Но öтпырись вöли случай, кöр сия лөгöтис Василий Ивановичöс.

Кызкö чегис Лидалон походной пуовой пань. Недыр думайтöм бöрсянь Лида пырыштитис пустой казачкой керкуö, кватитис пызан вылись кинлисью пань и бертис батальонö.

А кöр пуксисö обедайтны, Чапаев сылись юалис:

— Кытись тэнат эттшöм паньыт? Ме тэнчит паньтö тöда—сия вöли пуовой, а эта—кöртовой.

Лида гөрдөтис.

— Василий Иванович, да керкуыс эд чапкөм,—висьталис Лида.

Василий Иванович сöтыштитис кулакнас пызан кузя.

— Вöв вылö!—горөтис сия.

Лида öддьон гордитчис сийон, что сия öддьон шупыта вермö тыртны любой команда, а Чапаевлись командасö—эшö буржыка. Лида чеччөвтис, котөртис öтөрö и минута бөрти локтыштитис посөдз дынас вөлон ни.

Чапаев петіс пösөдзас, видзöтыштіс Лидаыс вылö лөгөн да висьталіс:

— Гөнит да пукты паньсö сэтчö, кытись босьтін. Разь вермас чапаевец босьтны чужойö? Видзöt, мед мөдпырся эз ковсьы тэныт этö баитны!

Чапаевыс нельки гөрдötіс—сыбурна лөгасьöма.

Лида чожжыка гөнитіс, кошшис пустöй казаччöй керкусö и пунктіс паньсö местаö.

Эта кадсянь Лидаыс умöльсö сэсся эз керлы и честьөн новйötіс „чапаёноклісь“ нимсö.

А воныс сылөн, Гриша Лагутин, муніс Краснöй армияö тожö доброволецөн, но дасвит годөн сёрөнжык сойысса. Öні сія велötчö взеннöй училищевын и чожа лоас лейтенантөн.

ЛЕНИНЛÖН ПРИКАЗ

Чапаевецез победитісö белоказаккесö да 1919 год пондötчикö иньдötчисö походөн Колчак вылö.

Царскöй адмирал Колчак сія кадö муніс Сибирсянь Москва вылö. Сылөн вöлі öддьөн ыджыт армия. Но чожа колчаковецез пондісö чувствуйтны ас выланыс Чапаевлісь вачкөммесö. Колчак керсис бөр, вуджис Белöй ю сайö да крепитчис сэтчин

вылын берег вылас, Уфа город дынсянь неылын. А мөдас—ю лажмытжык берег вылас сулаліс Чапаевлөн дивизия.

Чапаев өтік минута эз өшты весь. Боецез керрезісь керисө плоттэз, мед вуджны юсө. Адззисө кынымкө пыж. А сэтөн Красной Яр посадсянь локтіс радуйтчана юөр: сэтчин чочкоммезлісь мырддисө кык пароход.

— Но, өні Колчаклө не видзсьыны лоса, — висьталіс өтік красноармеец. — Сідз сія өні и тарөвтчас Уфасянь Сибирьө.

Сія видзөтыштіс одзас. Сэтчин, ю саяс, уфимской песока керөсыс тыдаліс кыз ки долонь вылын. Сы вылын тыдалісө керкуэз, көднія ылісянь кажитчисө совсем учөтиккезөн. Ны коласын коричневөй столбикөн лэбтісис пожарной каланча.



Чапаев гусьөник локтыштіс да сералөмөн видзөтіс красноармеец вылө:

— Мый, вылын керөсыс?—юаліс сія.

Красноармеец шупыта бергөтчис да казяліс Василий Ивановичсө. Сія перыта гөр-

дöтыштис, бöра видзöтыштис уфимскöй керöс вылас да висьталис:

— Но мый жö, вылын! А Колчакыс сёровно сы бердö оз видзсьы.

Берег весьтас, кытöн сулалисö чапаевецез, пондис бергавны вражескöй самолёт да лыйлыны переправасö.

Какраз эта кадö локтис фронтöн командующöй ёрт Фрунзе. Сия вайис Ленинсянь приказ—мыйö бы эз сувт, а Уфа да Урал сы заводдэзöн да көрттуйезöн Колчаклись мырддыны.

Чапаевецез бура веритисö победаö.

Медодз вуджис ю мөдöрас Краснöй Ярдынöt Иваново-Вознесенскöй рабочöй полк.



Но чожа сылө ковсис сувтчыны: коліс видзчисьны подкрепленнѣэз, отсѳт.

А эта кадѳ Колчак пондѳтис наступленнѳ.

Ивановецес обороняйтчисѳ, но патроґнѳс кольччисѳ етша и ния пондѳсѳ жагѳникѳн мунны бѳр, ю дынѳ. Вдруг ны дынѳ локтисѳ кынымкѳ всадник. Ѳтѳк ны коласись шупыта чеччѳвтис вѳв вылісь, босьтис винтовка да пондѳс мунны полк одзас. Сыын боецес тѳдѳсѳ Фрунзеѳс.

И сѳтшѳм бешенѳй вѳлі этія натискыс ивановецес-геройезлѳн, что колчаковецез дрѳгнитисѳ и вились отступитисѳ.

Но решительнѳй бойтѳг Уфасѳ Колчак сетны эз мѳд. Быдса лун мунис вира бой. Вермывлисѳ то ѳттѳс, то мѳддѳс.

Эта бойын Чапаевсѳ бура ранитисѳ.

То кыз этія вѳлі.

Берег весьтас, кыті вуджисѳ чапаевецез, лѳбалис вражескѳй самолѳт. Сія лѳдзчисис лажмытжыка да пондѳс лыйлыны пулемѳтись. Ѳтѳк пуля инмис Чапаевыслѳ юрас. Вирыс вадис сылісь кымѳссѳ. Сія пондыліс шутитны: „Ничего, меным вирсѳ лѳдзѳмыс колана“, а ачыс зубытсяняс жекыртис пиннесѳ.

Пуляыс юрас пырис ѳна: кватись пондылісѳ шедтыны сійѳ—и кватись жѳ сія мезмыліс. Перевязкасѳ кончитисѳ. Мѳдѳсѳ Ча-

паевсö иньдыны веськötчыны лазаретö, но сiя откажитчис и кольччис стройын.

Сэк жö чуть эз вийö и Фрунзеос: бомба вийис сы увтись вöвсö, а сийö асьсö оглушитис.

Рытнас чапаевецез дынö фронт-пыр вуджис öтик уфимскöй рабочöй. Сiя висьталис, что сылö удайтчис кывзыны чочком генераллэзлись баитöм. Генераллэз решитисö одз асывнас чапкыны гөррдэзлö паныт медбур колчаковскöй частез. Нылөн вöли задача, мед видзчисьтöг орöтны гөррдэзлись позицияэз, гусьöникөн гөгöртны Чапаевлись дивизия да уничтожитны сийö.



Рабочöйыслö и веритисö бы—и эз вермö веритны. Эзö вöлö правоэз веритны кывылö. Сылö висьталисö: ежелі этия, мый сiя висьталис, лоас бöбötöмөн, сийö виясö.

Ойбыт чапаевецез лöсьötчисö неприятель панталöм кежö. Öтик боец эта ойö эз узь.

Одз асывнас гусьöник-гусьöник, öтик шытöг, оружиеөн стукötöмтöг, пондисö сибötчыны мян позицияэз дынö офицерскöй



полккез. Нія надейтчисö казьявтöг сибöтчыны узись заставаэз дынö, бытшкавны, повзöтны, уничтожитны нийö... Но кöр ния вöлисö мян цеппез дынсянь матын ни, быд ладорсянь, команда сьöрти, пондисö уджавны уна пулемёттэз, кöдния важын ни вöлисö готовöсь бой кежö.

Колчаклөн медбур полккез вöлисö уничтожитöмöсь пулемётной бион. Уна офицеррез водисö ыб ылö, воём рудзöг коласö, сиджö уна пышшисö.

Июнь 9-öt лунö 1919 годö чапаевецез тыртисö Ленинлись приказсö: Уфа вöли босьтöма.

ЧАПАЕВЛÖН МЕДБÖРЬЯ ПОХОД

Но пессöмыс эшö эз вöв кончитöм. Лунвывсянь вились пондисö наступайтны

Белоказаккезлөн войскоэз. Нія гөгөртисö город Уральск и Чапаев вились мунис ны вылö походөн. Сія вашöтис чочкоммесö город Уральскись да босьтис город Лбищенск. Лбищенск сайын не öтiк сотня верста ылына кыссис степь.

Кöр белоказаккез отступайтисö, асланыс туй ылын уничтожайтисö быдöс. Колодецез тыртлисö муөн нето киськавлисö ядөн. Чапаевскöй дивизияись боецез мучитчисö тшыгйөн да горш косьмöмсянь. Быдса неделяэзөн эзö ваявлö этчö нянь.

Красноармеецез öктисö степись сю, нöитисö сийö винтовка прикладөн из ылын нето тачанка колесо ылын да сейисö. Тшыгыялöмсянь да горш косьмöмсянь пондöтчисö шогөттэз.

И сёдаки чапаевецез мунисö одзлань.

Одзлань пондöтчисö песоккез.

Казаккес бура вежöртисö, что ежели ния пондасö отступайтны одзлань, то нылö конец: песоккезын он адззы вöввезлö сёян, не пань ва. Сэк ния решитисö—мый бы эз ло, а Чапаевöс уничтожитны.

Победитны Чапаевöс открытöй бойын ния эзö надейтчö. Сийөн сувтöтисö план—кутны сийö ойнас, мед сия эз и казав.

Аслас штабөн Чапаев сувтчис Лбищенскын, а быдöс дивизиясö иньдiс одзлань.

Сыкөт кольччис боецезлөн только не-
ыджыт отряд.

И вот отпырись ойнас чочкоммезлөн
разъезддэз гусьоник локтисö Лбищенск ды-



нö и часовöйесö
вийлисö. Разъезддэз
бörсянь мыччисисö
казаччöй полккез.
Сыбöрын тöдисö, что
чочкоммезлö отса-
лис Чапаевыс шта-
бись кинлөнкö из-
мена: кинкö преда-
тельскойкöя босьтöма
ойся дежурство вы-
лис курсанттэзлись
рота.

Опасностьсö ча-
паевецез казялисö сёрон—казаккес гö-
няйтисö ни улицаэз кузя да öтмөдөрö лый-
лисö.

Чапаев öтпöвсөн чеччöвтис öтөрö, öт
киас сылөн вöли винтовка, а мөдас—револь-
вер.

Сы гөгөр сэкжö öксисö кынымкö боец.
Ния пондисö лыйсьыны.

Эта вöли неравнöй бой, но кончитчис
сия не чожа.

Чапаевецез эзö и думайтö пыщшыны,
көть враггес вöлисö унаон унажык. Чапае-

вещез уськөтчисö пулемётчиккез-казаккез
вылö. Этйя уськөтчöмыс вöли сэтшöм ре-
шительнöй да видзчисьлытöм, что казаккез
повзисö да пышшисö. Чапаевецез киö
сюрисö кык пулемёт,
көднйя вöлисö бергö-
тöмöсь чочкоммезла-
ннö.

Казаккез вежөрти-
сö, что открытöй ата-
каөн чапаевецесö
нылö не босьтны.

Сэк нйя пондисö
мунны саддэзöt да
карчйөррезöt, забор-
рез бокöt, медбы ча-
паевецесö кытшöвт-
ны.

Көр казаккезлөн выннэз мыччисисö
бöрсяняс, чапаевецезлö ковсис отступит-
ны. Лыйсьöмөн нйя мунисö Урал ю берег
дорö.

Сэтчин колис мунны керöс паныт, ка-
заккез син одзын.

Керöс вывсянь берегыс веськыта лэдз-
чис Урал волнаэзö.

Но отступайтны сэсся вöли некытчö:
быдлаын—чочкоммезлөн пулемёттэз.

Чапаев мунис медбöрын,—көр бырсисö
быдöс патроннэз.



Пуля инмис сылө киас. Эта киён сия чышкис ассис пымалөм чужөмсө и кымөс вылас колисө вирөсь пятноэз.

Петька сы дынись эз торйөтчывлы и шаг вылө. Сия казяліс Чапаев чужөм вылісь вирсө да висьталіс:

— Василий Иванович, юртө бы көр-тавны...

— Юрө быдса,—чорыта висьталіс Чапаев.

Вот и ю вевдöрын вылын обрыв. Песочка крут обрыв кузя боецес отсалісө лэдзчыны Чапаевлө улө, ю дынө. Кынымкө морт лыйсьөмөн видзисө белоказаккезлісь наступленнөсө.

А кызд дзарнитісө чапаевецез Урал перыт волнаэзө—быдөнныслөн жмитчыштіс сьөлөмныс: ния вежөртісө, что мыдзөм да ранитөм боецезлө не вуджны лоас юсө, не мунны казаччөй пуляэз увтісь.

Мый бы эз ло, а Чапаевсө коліс спаситны. Нель морт сійө охраняйтісө быд ладорсянь.

Кыкыс чожа вөлісө вийөмөсь—чочком-мезлөн пуляэс вөтісө нийө самөй ва дорас ни. Мөд кык боецыс пондісө уйны ордчөн Чапаевкөт.

Петькаыс кольчис Урал берег вылө да лыйліс казаккесө. Лыйсьытөннис сия бергөтліс юрсө бөрас: тыдалө я эшө Урал вол-



наэзын Василий Ивановичлөн юрыс. И адззывліс—Чапаев уйö. Сьöкыта здоровöй кинас лэбталöмөн (мöдыс, ранитöмыс, öшаліс, кыздз плеть), Чапаев враггез дынсянь муніс жагöна.

Казаккес вайисö ю дынö пулемёт да сувтöтисö сійö крут керöс вылö, обрыв вельтас.

Чожа пуляэс быдса полосазöн пондісö водны ва вылас. Сё вернöйжыка босьтлісö чочком пулемётчиккез прицел, сё матöжык и матöжык Чапаев юр дынö усисö пуляэз...

От боецыс, кōда уйис ордчōн Чапаев-кōт, вōлі вийōм. А Чапаев уйис сē одз-лань; унаись сїя вынтōмсявлїс, но уйис.

Петькаыс берег вылас медбōрьяись видзōтыштїс бōрас да чап-кис ассис винтовкасō бокō: патроннэз бырси-сō. Враггез уськōтчисō сы вылō обрыв вывся-няс, но сїя кватитїс ас-сис заветнōй нагансō, квать пулясō лэдзис чочкоммез кузя, а сизимōтсō—аслыс сьōлō-мас.



А Чапаевыс сē эшō видзсис Урал волна-эзын. Эз пышшы сїя враггез дынсянь. Сїя му-нїс ны дынсянь, медбы мōд берегас òк-тыны отсōт да вились уськōтчїны чоч-коммез вылō. Эта думаыс и солтїс сьлō виль выннэсō.

Кажитчис, спасеннēыс вōлі матын ни. Берегыс вōлі матын. Берег вылас кышōтїс зелēнōй осока...

И эта кадō юрас сьлō инмис пуля...

Ловйōн кольччис только мōд боецыс, кōдїя уйис Уралсō ордчōн Чапаевыс-кōт.

Вынтөмсялөм, сiя петiс берөгө да видзöтыштiс бöрас: бöрас шумитiс Урал, и некин эз тыдав сы пемыт волнаэзын.

Сiдз кулис народнöй герой Василий Чапаев.

Краснöй часттез чожа вештiсö Чапаевыс кулөм понда враггеслө. Сувтчывтөг вашöтiсö нiя чочкоммесö ватөм степpez кузя Каспийскöй море дорөдз да, нiйö разгромитөм бöрын, весötiсö Советскöй мусö вражескöй войскоэзсянь.

Вились мунiсö боецес нiя местаэзöt, кытөн воуйтiсö көркө ötлаын Василий Иванович Чапаевкöt. И нiя эзö веритö, что Чапаевыс сэссия абу: память сы йылись некөр оз кув.

И сэтчödз эта памятьыс пондас овны народас, кытчödз пондас овны народыс ачыс.

А народыс некөр оз кув.

СКАЗКА

Иван Егорович, Ленин нима колхозiсь пöрись конюх, олiс дыр. Сiя вöли пастухөн, солдатөн, плотникөн, советскöй власть понда воуйтiс и Чапаевсö асьсö адззылöма.

Колхозiсь челядыс эта йылись тöдiсö. И вот кызкө ötпырись пондiсö корны Иван Егоровичсö:

— Висьтав миянлө Чапай йылись.

— А былъ, что Чапайыс вöйис?

А Иван Егорович вöли не только знаменитöй конюхөн—сiя славитчис эшö сiйөн,



что тöдiс уна сказкаэз да песняэз. Сiя ачыс бура любитiс кывзыны сказкаэсö, любитiс и висьтасьны нiйö.

И сiя рытö, көр челядыс öддьөн ни сiйö öдöлейтiсö—висьтав да висьтав Чапай йылись,—старикыс эз терпит да пöндiс висьтасьны.

...И совсем Чапайыс эз вöй Уралюас. Эта эз вермы лоны.

Чапай вöли ловкöй. И невесь сiйö лыддисö бур уялисьөн. Уралсö сiя вуджис... А вот көр сiя вуджис мöд берегас, кылö—вöтчöны сы сьöрö шупыт вöввез вылын казаккез.

Адзö Чапаев—одзас, берег дорас, стена моз сулалö гажтöм, пемыт вөр. Пырис Чапаев пемыт вöрас, а казаккес озö кольччö, вöтöны. Кылö, кыз бöрас чегласьöны уввез, чушыктöны вöввез да öтамöд коласын казаккез баитöны. Чапаевлö воштiсьны некытчö.

И пантасьö сылö эта пемыт вöрын ош гу. Ся и пырис сэтчö. Казаккес бокöттис гөнитисö. Сэк Чапаевыс петис да мунис мөдөрö. Мунис, мунис—петис степö. А рыт ни локтис: шондыс му дор вылö пуксис.



И адззö Чапаев степсис палатка. Палатка одзас пукалö старик-киргиз. Чапаев сылö и баитö:

— Ме—Чапаев, гөрд командир. Дзев менö враггез шогья.

Старик-киргиз видзö Чапаевлö ответ:

— Кывлі ме тэ йылись, сокол ясный. Тэнö быдсөн муыс төдö. Тэ беднөйез понда воуйтін, ассит олантö эн жалейт.

И окыштіс Чапаевсö куимись. Сэсса

шутньювтіс омөн степь пасьта. А степас
вөлі вөв табун. И лэбзьё ны дынө эта та-
бунісь жеребец. Өтік царьлөн эттшөм вөв-



вес эзö вөвлö. А можот, царрез киэзö ния
эзö шедлö?

Вайötö старик-
киргиз этійö жере-
бецсö Чапаев дынө:

— Вот тэныт вөв,
сія тэнö быдöс беда-
эзісь петкötас.

Видзötö Василий
Иванович: сулалö сы
одзын жеребец, кыз
би, моросас чочком
звездаок, а синнэс ум-

нөйöсь, кыз мортлөн.

Прощайтчикö киргизыс козьналіс Ча-
паевлö серебрянөй шашка да золотитөм
ружьё.

— Лэбзьы, сокол яснөй. Пуксы вөв
вылö да гөнит вөр бокötтяс веськытланьö.
Вит ой да вит лун пондан тэ гөнитны вөв-
нас, и вайötас тэнö вöлыс вылын керöс
дынö: сэтчин лоас тэнат стан, и некин тэ-
нө сэтчинісь оз босьт.

Пуксис Чапаев дона седлоö, кышаліс
пельпон вылас золотитөм ружьё, öшötіс
йи бердас серебрянөй шашка. Кутчис по-

воддэз бердö. Сэтөн вöлыс, кызд тöv, пондiс лэбзьыны гөнитны вөр пöлөнныс. Только бусыс му вылөттяс ольсасьö...

Эта кадö шондыс му саяс усис, локтiс пемытсяс-пемыт ой. Вөр сайсянь петiсö казаккез. Омөн быдöс кошшисö — и вöрсö и степсö, а Чапаевсö адззыны эзö вермö. Но, мый нылö сэтөн керны? Бертiсö ния асланыс генерал дынö да висьталiсö: вöйис, пö, Чапаевыс Уралас. То кызд деловыс вöли...

Иван Егорович баитны дугдiс.

Челядыслö жаль лоис, что рассказыс кончитчис.

— Дяденька, а одзлань мый?

— Мый жö öни Чапаевыс керö?

— Дядя Иван Егорыч, а кин тэныт эта йылись висьтасис?

Иван Егорович серöмтчыштiс:

— Кин висьталiс?.. Чапаевыс йылись народ висьтасьö. А ме, кызд кужи, сiдз тiянлö и висьталi. Вермас лоны, быдöс тöд-вылам эз и усь. Мый Чапаевыс öни керö, юалан? А вот мый. Мунö кытөн-нибудь ыджыт сраженнө. Бöра, сiдзкö, чочкоммезкöt битва мунö. Овлö и сiдз — мияниссезлö сьöкыт овлö. Гөгöртасö быд ладорсянь ни-йö враггес. И выннэзныс етшаöсь, и патроннэс сэссия абуöсь. Но вдруг биа вöv вылын, кай моз лэбзьö Чапаев, только бур-



каыс төв вылас павьялө. Серебряной сабляөн өвтчө: „Ёрттэз, ме сьөрө!“ горөтас да веськыта чочкоммез вылө уськөтчас. Ошас боецезлөн полөмыс, өзьясө сьөлөммезныс, уськөтчасө Чапаев бөрсянь атакаө. Да сідз керасьöны, что öтик враг оз кольччы. А сьбөрсянь, көр садясясө,— видзөтасө, а Чапайыс абу ни. Да и вөлі я былись Чапаевыс сэтөн? Ну, конечно— эз вөв. Этö дух лэбтөм понда кин-нибудь горөтас: „Чапай одзаным!“ И только сылісь нимсө шуасө, кыз боецез уськөтчасө бойö да керасьöны не умөльжыка, не жели Чапаев дырни вөвлі...

— Дядя Иван Егорыч,—юалис кинкө челядыс коласісь,—а öні разь чочкоммезкөт битваэс овлөны?

Иван Егоровичыс норовитыштіс да
висьталіс:

— Этö эд сказка ме тiянлö висьталі.
Но только совесть сьöртi висьтала: быд
бур сказкаын эм уна правда. Только сы
вылын колö думайтыштны, и сэк правда-
ыс эта осьтяс...

ИСПАНИЯҢ

Буса туй дорын косьмöм канава пыдö-
сын куйлісö испанскöй батальонісь боец-
ез. Ылын одзаныс, пуэз сайын, шондi вы-
лын свиттяліс ва. Сэтчин котöртiс юок.

Эшö асывсянь вöлі получитöма приказ:
лунся öтiк час кежö берездöтны фашист-
тэсö да вашöтны нійö ю дынö.

Фашисттэз лыйсисö дугдывтöг. Туй вы-
лас то сэтөн, то сэтчин лэбтiсьлісö вылö



бус тшакыллез: этö усялісö неприятельскöй пуляэз. Канаваись эз туй лэбтыштны юр—сэтшöм тшöка лыйлісö фашисттэзлөн винтовкаэз.

Испанскöй батальонсяняс веськытланьын сэтшöм жö канаваын пукаліс международнöй бригада. Эта бригадаын вöлісö: немецез, итальянецез, француззэз, англичана, поляккес, шведдэз. Эта бригадаын тышкасисö паныт фашисттэзкöt быдкодь странаэзись рабочöйез, студенттэз, писателлез, учителлез—быдөнныс ния, кöдния локтісö татчö тышкасьны испанскöй народ понда ылісянь.

Öнi ния пулемётнöй бисö иньдötисö пуэз сайын чочком керкуок ылö, кытчö пырисö фашисттэз. Керкуокись öшыннэс вöлісö вевттьöмась пуовöй ставеннезөн. Но ныын, тыдалö, вöлісö керöмось осьтаоккес, кöднасянь фашисттэс лыйлісö туйсö.

Командир сетіс приказ мунны атакаö.

Испанскöй батальонись да международнöй бригадаись боецез киэзын винтовкаэзөн мунисö одзлань. Но нылөн сдзись ряддэзныс фашисттэз пуляэзөн вöлісö пөрötömось.

Пуляэзсянь дзесисьны вöлі некытөн. Нельки эз туй гарйисьны муөн: жарсяняс муыс эстөн вöлі кös, потласьöм да вачкисис из ылö.

Боецез эзö терпитö враглісь жестокöй
луйöмсö да вешшисö туй саяс бөр.

Öнi нiя тöдiсö: ежели мунны одзас кöть
дас оськöв, вермасö кувны. А вражескöй
би увтын колiс мунны не дас оськöв, а
быдса сто витдасö.

Боецез водiсö му вылас и полiсö лэб-
тыны юр.

И сэтöн лоöма мыйкö видзчисьлытöм.
Одзаныс павйöвтчис вылын знамя, кöда
вылын вöли рисуйтöма буркаа да косма-
тöй папахаа морт. Этö вöли нельöт испан-
скöй батальонлөн знамя. Эта батальонiсь
бсецесö отвага понда шуисö чапаевец-
цезөн. И эта бөрсянь нiя асланыс знамя
вылö рисуитiсö Чапаевлісь портрет.

И öнi быдöнныс казялісö: котöртö ыб
кузяас одзлань морт, киас видзö этö знамя-
сö. Знамяыс тöv вылас павтыртчис, и сы
шёлк вылын мыччисис косматöй папахаөн
Чапаевлөн юр.

Ряддэз кузя паськаліс:

— Чапаев одзаным!

Быд минутаö фашистскöй пуля вермис
пөрöтны знамя нуötiсьсö, но сiя повтöг
котöртiс одзлань...

Боецез вунötiсö кулöм йылісь да усь-
кötчисö сы сьөрö.

Нiя сувтчывтöг котöртiсö одзлань, чеч-
чалiсö вийöм ёрттэзныс телöзз вевдөрöt.

— Чапаев миянкөт!

Фашисттэз ужасөн казялісө, что не пулемёттэзлөн биыс, не подкрепленнёыс, кёда локтіс ю мөдөрсяняс, нійө спаситны оз вермы.



Республиканецез котөртисө одзлань, а ны одзын павьяліс знамя, кёда вылын вөлі рисуйтөма сөстөм синнэза, косматөй буркаа мортлөн портрет.

Чочком керкуок сайсянь мыччисисө куим фашистскөй солдат;

ниа чапкисө му вылө винтовкаэз да киэзнысө лэбтісө вывлань.

Ны дынө котөрөн локтіс офицер, мыйкө горөтліс да өвтіс револьверөн, но республиканецлөн пуля сійө пөрөтіс.

Минута бөрти керкуокыс, кытөн пукалісө фашисттэз, вөлі босьтөма. Керкуокө пыранін одзө испанскөй батальонісь боецез сувтөтісө ассиныс знамя.

Знамя вылын вөлі рисуйтөма буркаа да папахаа морт.

M-93-657/971

Цена 90 коп.

~~23231~~

К-Перм.
3-295

А. Кононов
РАССКАЗЫ О ЧАПАЕВЕ

*На коми-пермяцком
языке*